

『律宗瓊鑑章』卷六（增補改訂日本大藏經 70・大日本仏教全書 105 所収）

後之五年居唐招提寺隨從弟子中呈名後代者。仁韓大德。法進大僧都。曇靜大德。法■大德。思託大德。義靜大德。智威大德。法載大德。法成大德。靈曜大德。懷謙大德。此十一人於唐受具。如實少僧都。惠雲律師。惠良大德。惠達大德。惠常大德。惠喜大德。此之六人竝亦唐人。而於此國受具足戒。沙彌道欽是亦唐人。此十七人隨從來朝。始終隨逐助師化儀。大和尚天平寶字七年癸卯（當大唐第八主代宗皇帝廣德元年癸卯。）五月六日。端坐遷化。春秋七十有七。